

« Al pie de la lletra »

Hailu que va a la consulta  
y toma'l mélicu a broma.

Les melecines resulta  
que les compra y nun les toma.

En cambiu otros pacientes  
como Agripino y Petra,  
son de lo más obedientes,  
llévenlo al pie de la lletra.

Nun sabien de qué yera.

Agripino taba malu,  
y al mélicu cabecera  
foi con Petra a consultalu.

-Eien fiebre más de la tasa.

Voi a da-y unes pastilles  
y té calentín en casa,  
en bata y en zapatilles.

Tamién sería comeniente,  
que ye bono y nun fai dañu,  
sin el agua mui caliente,  
tomar ca dos dies un bañu.

Pasaría una semana  
y vió a Petra el doctor.

-¿Eá too bien per Caborama?.

¿Agripino tá meyor?.

-Pues les pastilles que-y dió  
tomóles toes Don Miguel,  
pero el bañu que-y mandó  
tomar, nun ye quién con él.

Yo animolu a que lu tome  
y bebe media bañera  
abundante, pero l'home  
nun ye pa más, nu hai manera.

« Espelleyando »

Taben Pilar y Maria  
dedicaes a espelleyar  
a tolo que se movia.

Naide se diba salvar.

Que si el fiu d'Eloina,  
desque tá na capital,  
tá metiu na heroína  
y tá mui malu'l chaval.

-Taba visto -diz Maria;  
voi dicitelo, nun callo.

De piquinín yá tenía  
equi nel pueblu, un caballo.

Y que l'home de Mariana,  
que ye guapu y bien presume,  
vien siempre pela mañana  
agoliendo a otru perfume.

Que al chaval de Restitutu,  
que acaben de pillálu  
robando nel istitutu  
y que van a enchirolálu.

Asina, tres hores charon  
sin parar de criticar.

Paecía qu'acabaron  
y va y nestes diz Pilar:

-¿Eú nun sabies Maria,  
que'l mecánicu Xavier,  
que la palmó esti día?.

-¿Y qué tenía Xavier?.

-Vaya pregunta Maria,  
tú que yes d'equi muyer.  
Si tol mundu lo sabía,  
Xavi tenía, un taller.

Fernando Suárez Albalá